

政學錄初稿

臺灣學生書局印行

1006/127

中國史學叢書

續編

清・道光刊本

政學錄初稿全一冊

編輯者：清・陸

出版者：臺灣學生書局

本書局登記證字號：行政院新聞局版臺業字第一一〇〇號

發行人：馮愛羣

發行所：臺灣學生書局

臺北市羅斯福路三段二九八號

郵政劃 六六號

電話：三二六六號

定價新臺幣四二〇元

中華民國六十五年三月景印初版

究必印翻・有所權版

政學錄初稿序

余同年陸心蘭方伯博覽羣書希蹤曩哲由詞垣入諫院出典大郡洊歷雄藩文章治績卓卓可紀政事餘暇研精問學嘗欲輯

本朝名公鉅儒經濟道德足爲師法者勒成一書名曰政學錄以爲從政志學者之準則酌定體例手訂十有七人遽捐館舍門下士鄒司馬

鳴鶴函爲讐校付之棗梨余得而讀之見其采
掇該洽叅稽精審視彭氏測海編加詳焉有用
之書必傳之作也憶心蘭由蜀藩入爲副憲時
余適領臺垣朝夕商推案牘論議吏治民生勲
懃懇懇同官倚之如左右手無何心蘭拜豫藩
之

命尋以憂去服闋由江左移中州不數年而凶

問至生平抱負既未究其用卽所行善政亦多
經始而未集則可惜者豈獨是書之未觀厥成
乎哉泚筆書之不禁泣然云時

道光十三年歲次癸巳秋八月年愚弟湯金釗
書于京邸之孝悌慈堂



政學錄初編序

出與處無殊塗古與今無二理此君子之道所以
爲恒久而不可易也昔先正徽國朱文公當宋南
渡初輯名臣言行錄前後集二十四卷元明宗之
遜相譔述而

國朝之書尙未有所興起前河南方伯錢塘陸公言
於其從政之暇勒爲一編名曰政學錄意在綜當
代之遺文羅各家之秘纂享年不永僅成二十一

人又尙未及論定而遽卒公門人今蘭陽同知郝
君鳴鶴收其殘稿訂而刊之以椿嘗與論議之末
屬爲編次而系之以序旣辭不獲命乃作而言曰
國朝之興自

太祖

太宗海東鬱起

世祖入奠燕都

聖祖手平諸孽迨

世宗

高宗而治法大定累朝卿士應運乘時蓋既有堯舜湯文
之

君則必有禹皋伊萊望散之臣所謂見而知之聞而知之
者迹相望于二三百年間其史館所書民間不能
以傳錄而其遺言軼行衡之史體有不能以盡著
者苟無人焉爲之網羅放失發揮前聞使前人事
業不大光顯或且謂

聖朝之治有

君而無臣斯亦爲士者之恥也若夫前世之遺老

清時之逸彥其事無所表見而其名著於今其學合
於古於以風世勸教聿彰

上下風俗之美詎不韙與然則此書之存雖殘缺不
完而其義例所寓足爲來學之先聲仕途之準的
此則庶幾負之當世君子而不惑者矣椿於中州
始識公去冬南歸又屬訪諸遺書并爲撰次其事

學殖荒落旣無以益公又手腕病不能書重負公
誣諉之意茲因鄉君之請而述其本末如此公爲
此書託始彭氏紹升諸名公事狀及儒行良吏二
述倥傯暮年宦仕移迹又不肯假手他人氏以致
所成止此然其採掇精審去取謹嚴有不可以無
傳者原本尙有施公琅及其子世綸趙公吉士三
人二施之事公意屢未決趙則止交山平寇一事
若爲全書固當采錄核之政學則似尙止於一偏

故僭而佚之以著公之本志非於原書有所增損
也當世若有續公之書如李初武於朱文公者其
所採拾自當更廣其例云道光十三年歲在癸巳
孟春人日婁姚椿序

政學錄初稟目錄

卷之一

范文程

范承謨

郝浴

卷之二

魏象樞

卷之三

孫奇逢

朱用純

張履祥

卷之四

徐元文

湯斌

卷之五

李之芳

于成龍

卷之六

陸隴其

卷之七

趙申喬

孫嘉淦

卷之八

楊名時

蔡世遠

朱澤澐

政學錄初稟卷之一

錢塘陸言纂輯

門人無錫鄒鳴鶴校刊

范文程字憲斗。瀋陽人。隸鑲黃旗。漢軍。歷官秘書院大學士。世襲一等子。晉太傅。兼太子太師。諡文肅。

公少好讀書。穎敏沈毅。性廉慎。樂施與。器量淵涵。人莫窺其喜怒。天命三年。大兵克撫順。公時爲生員。年二十有一。上見而器之。召與語。知其熟于當世之務。使隨行。及取遼陽。下廣寧。皆參謀帷幄。